



Patrie dal Friûl - Vilegnove, ai 08 di avrîl dal 2008

A So Ecelence
Bons. Pieri Brollo Arcivescul di UDIN

e p. c. A So Ecelence Bons. Dino De Antoni Arcivescul di GURÏZE
A So Ecelence Bons. Ovidio Poletto Vescul di CONCUÂRDIE-PORDENÛN
Al une vore Riverîf Bons. Duilio Corgnali, Diretôr de Comission dal Messâl roman par furlan, TARCÏNT

Bonsignor une vore riverîf,

il svissinâsi dal aniversari di pre Antoni nus à dade l'ocasion di cjatâsi come amîs e come grop di Glesie Furlane e nus à regalade l'oportunitât di rifleti sul moment che o stîr passant.

I disîn cun dute scletece che o sin une vore preocupâts a moîf dal Messâl roman par furlan che nus somee cuasi sparîf intune grande fumate, archiviât intun vecjo scafal bandonât, involuçât intune çarte plene di polvar cun sôre scrit: *Hoc Missale nec nominetur*, di chest Messâl no si à di nomenâ nancje il non.

O vin l'impression che a Rome nol existi il timp, e che, dant timp al timp, dut al puedi sfantâsi intun brut nuie.

Lui al sa, Bonsignor, trop che chest Messâl al è costât in lavôr e sudôr e in ce an che al è parîf par Rome cu lis Sôs credenziâls e chês dai Vescui di Gurîze e di Concuârdie-Pordenon; al cognòs i incuintris che o vin fat cun Lui personalmentri ancjemò cuant che al jere vîf pre Antoni; al à in man la letare mandade al gard. Camillo Ruini President de Conference Episcopâl Taliane, letare che pal moment nô no vin nissune rispuete in man.

La int tai incuintris che o din dongje, e che Lui regolarmentri al ricêf l'avîs e l'invîf, e continue a domandânus ce fin che al à fat il Messâl. Il prossim incuintri al sarà a Vençon domenie 27 di chest mêse inte memorie di pre Antoni e in tâl ocasion al è ormai necessari informâ i partecipants su lis ultimis vicendis dal Messâl e sore dut se il Messâl al è stât metût al ordin dal dì pe prossime Semblee de CEI.

Un fat al è clâr: o sin stracs di spietâ e di nudrî sperancis che pal moment si trasformin puntualmentri in delusions; o vin dibisugne de bande dai Sorestants de glesie di un segnâl concret, sigûr intal timp e positif: a moîf dal Vanzeli, dai pronunciaments dal Magjisteri, dai dirits sacrosants des minorancis, de predilezion di Crist pai piçui e pai tibiâts.

Al è ridicul che in ocasion des Olimpiadis ducj nô si preocupin dai juscj dirits dal Tibet cuant che in contemporanee o lassin che a vegnin pescjâts i nestrîs dirits. L'autonomie spirituâl, culturâl e politiche che il Dalai Lama e l'Europe a domandin par chês minorance, chês stesse autonomie e vâl ancje pal nestri Friûl. Ni di plui ni di mancul.

Bonsignor, o vin fiducie che une Sô rispuete concrete e vegni a sliserî il nestri cûr e a dâ spirt a la neste int.

O çapîr l'ocasion di cheste letare ancje par domandâ di gnûf che la Diocesi e nomeni finalmentri la Comission tant imprometude pe traduzion in furlan dai libris liturgjics.

Di fat, dome midiant di cheste disposizion si podarà continuâ intai Sacraments il lavôr comengât cul Messâl.

Ancje in chest câs, a nestri parê, al è za stât pierdût masse timp.

Par nô, la colaborazion cu lis istituzions des Diocesi sore dut intal câs de liturgjie e je di primarie impuartance e se Lôr lu ritegnin util, come che o vin fat fin cumò, o sin disposcj a dâ une man in cheste opare tant valide e necessarie ancje pe culture e pe dignitât dal popul furlan.

O restîn in spiete di un So scrit.

Cun cordialitât a non dai amîs di Glesie Furlane

Zuan Pieri Biasatti, dean